

Gvangjsih Minzcuz Bau

广西民族报 aenhauh okbanj: CN45-0036 B.2021 Nd.9 Ng.29 liggaueq sincouj nienz ndwenbet ngeihsam

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3493 geiz
Geiz neix 8 banj

Siz Ginbingz Fak Saenq Cukhoh Aen Hoih Vuhcin Hoihhung Sei qgyaiq Hulenzvangj Bi 2021

习近平向 2021 年世界互联网大会乌镇峰会致贺信

Sinhvazse Baekging ndwen 9 ngoenz 26 dien Ndwen 9 ngoenz 26, guekgya cujsiz Siz Ginbingz fak saenq cukhoh Aen Hoih Vuhcin Hoihhung Sei qgyaiq Hulenzvangj Bi 2021.

Siz Ginbingz naeuz, soqcih gisuz cingq yungh leixniemh moq, yiengh moq, vunqsik moq cienzmienh yungz-haeuj vunzloih ginghci, cwngei, vwnzva, sevei, swnghdai vwnzmingz gensez gak lingjyiz caeuq daengz

gocwngz, doiq vunzloih guhhong gvaq ndwenngoenz yingyangj gvangqlangh caemhcaiq laegdaeuq dem. Seizneix, sei qgyaiq bak bi hingzsei q bienq-doengh caiq gyahwnj baenz bingh-raq, gozci sevei gaenigip aeu daz-fwngz hwnjdaeuq, swnh'wngq sinsizva, suswva, vangjlozva, cinwngzva hwngfat byaijiyengq, gaemdawz seizgei ndei, wngqdoi q deuqnyex.

Siz Ginbingz giengzdiuh, Cung-

guk nyienh caeuq sei qgyaiq gak guek doxcaez, caezcaemh rapdawz gij lizsij cwzyin vih vunzloih guh baenaj, gikfat rengzhoengh soqcih ginghci, dem-giengz soqcih cwngefuj yauqnaengz, guhndei soqcih sevei vanzging, cau-laeb soqcih gapguh gwzgez, cukmaenh gij cwdangj soqcih ancienz, hawj soqcih vwnzmingz cau hufuk beksingq gak guek, doidoengh cau hlaeb aen minghyinh caezcaemh.

Aen Hoih Vuhcin Hoihhung Sei qgyaiq Hulenzvangj Bi 2021 ngoenzhaenx youq Cezgyangh Swngj Dungzyangh Si Vuhcin haimuq, cawjdaez dwg "yamq coh soqcih vwnzmingz seizdaih moq—dazfwngz cau hlaeb aen minghyinh caezcaemh vangjloz hoenggan", youz Guekgya Hulenzvangj Sinsiz Bangunghsiz caeuq Cezgyangh Swngj Yinzminz Cwngefuj caezcaemh cawjbanh.



Lai Yiengh Hozdung Angqhoh Fungsou

多彩活动庆丰收

Ndwen 9 ngoenz 23, ngoenz-haenx dwg liggaueq coufaen, hix dwg ciet funksou bouxguhnaz Cungguk aen daihsei q. Yungzanh Yen youq Daliengz Cin Gujlanz Cunh banh hozdung "angqhoh funksou gyo'mbaiq aen dangj" nem "ciet funksou bouxguhnaz". Hozdung yienhciegz miz biujyienj vwnzyi, doxdax mizyinx caeuq langhbaiz doxgai q reihnaz miz daegsaek daengj hozdung, caemh-caiq cingj bouxguhnaz dangdieg daeuq camgya hozdung, roxnyinh gij angqyangz funksou, caezcaemh angqhoh ciet funksou bouxguhnaz Cungguk.

(Cinz Ginghoz ingj)

Cienzswnj Vwnzva Vah Minzcuz Hawj Minzcuz Doxgiet Baenaj

传承民族文化 促进民族团结发展

Vih cienzswnj vwnzva vah minzcuz, hawj minzcuz doxgiet baenaj, caenh'itbough gyonjcomz rengz ak gyavai q cau hlaeb aen Gvangjsih gyaunde, saedyienh aen loqsiengj fukhwng. Mboengq-neix, siujhagseng doxdax yienj caizhag Vahcuengh youq Lozyez Yen Dungzloz Cin Giujli Cunh Siujyoz banh, hozdung dwg Aen Cungsim Hwngfat Lauxsae Lozyez Yen cawjbanh, aen hagdangz Cuengh Gun song saw vah Dungz-

loz Cin Giujli Cunh ciepbanh.

Mwh doxdax, go Vahcuengh 《Angqcoux Mwnz Daeuj Mbanj-cuengh》 ndeidingq, diuqfoux 《Najriu》 ndeiyawj, heiq Vahcuengh 《Buhmoq Vuengzdae q》 mizyinx daengj cezmu z doxlwnz hwnj daiz yienj. Bouxyawj youq baihlaj dopfwngz huhu, yienhciegz nauhyied dangqmaz. Gyoengq bouxyienj roengzrengz doxdax, haenqrengz buekguh, gaenxmaenx hengzguh gij cingsaenz cijsi youq-

gaenj Siz Ginbingz cungjsuhgi doi q Gvangjsih naeuz haenx "cau hlaeb aen Gvangjsih gyaunde, saedyienh aen loqsiengj fukhwng".

Baez hozdung neix, fungfouq le ndwenngoenz vwnzva ndawhag, demgiengz le gij ei qsik minzcuz doxgiet hagseng, daezsang le gij naengzlig gangjok vah minzcuz hagseng, doicaenh le cienzswnj vwnzva cienzdoengj Bouxcuengh.

(Hoz Yenyinh)

Daengq Beixnuengx

小 启

Ciet guekgingq cuengqgyaj, ndwen 10 ngoenz 6 bauqceij mbouj ok lo. Hoh gyoengq beixnuengx ngoenzciet angqyangz vuenyungz!